

APPENDIX FESTORUM

PLURIMIS GALLIÆ DIÆCESIBUS

Die 3 Ianuarii

S. GENOVEFÆ

Virginis

III classis [129]

AD MATUTINUM

Bened. Ad societatem.

Lectio iii

Genovéfa, Nemptodúri in Parisiensi agri nata, iam a teneris annis magna dedit eximiae virtutis indicia. Eam, adhuc puellulam, sanctus Germánus, Antisiodorénsis episcopus, Deo acceptissimam ac vitæ sanctitate illústrem fore prædixit. Post aliquot annos, Genovéfa a Parisiõrum episcopo in virginem solèmnî ritu consecrata est. Iugî oratione, abstinentia vix incredibili, effusa in ægrõs et pãuperes caritate, patientia inter varias malevolõrum calumias semper invicta, non minus quam miraculõrum dono ac multitudinẽ evásit celebrissima. Prophético spirítu plúrima prædixit, atque in primis Lutétiam urbem, oppidîs aliis munitiõribus subvèrsis, ab Hunnõrum

rege Attila, Gállias depopulante, nihil detriménti passuram. Quod ita evenit, ac Genovéfa patrocínio datum est. Grassante deinde fame et in summa annõnæ caritate, eandem urbem pauperesque innúmeros magna fruménti et panis cõpia abunde sustentavit. Dénique, post actos in Dei servitute octoginta et amplius annos, mèritis cumulata, migravit ad Dõminum, die tertia ianuárii.

Te Deum laudamus 643.

AD LAUDES

V. Diffusa est gratia in labiis tuis. **R.** Propterea benedixit te Deus in ætèrnum.

Ad Bened. ant. Erat timens Deum, * faciens eleemõsynas multas plebi, et deprecans Deum semper.

Oratio

Effunde super nos Dõmine, spirítum agnitiónis et dilectiónis tuæ, quo ancillam tuam Genovëfam implevisti: ut sèdula eius imitatione tibi sincère obsequentes; fide et òpere placeamus. Per Dõminum nostrum Ie-

sum Christum Fílium tuum, qui tecum vivit et regnat.

AD VESPERAS

V. Diffusa est gratia in labiis tuis. **R.** Propterea benedixit te Deus in ætèrnum.

Ad Magnif. ant. Veni, Sponsa Christi, * accipe coronam, quam tibi Dõminus præparavit in ætèrnum.

Oratio

Effunde super nos Dõmine, spirítum agnitiónis et dilectiónis tuæ, quo ancillam tuam Genovëfam implevisti: ut sèdula eius imitatione tibi sincère obsequentes; fide tibi et òpere placeamus. Per Dõminum nostrum Iesum Christum Fílium tuum, qui tecum vivit et regnat.

Die 18 Februarii

S. MARIÆ-BERNARDÆ
SOUBIROUS

Virginis

III classis [129]

AD MATUTINUM

Bened. Ad societatem.

Lectio iii

Maria Bernarda Soubirous in oppido Lapurdénsi pauperibus christianisque paréntibus ortum

duxit. A teneris annis eximias simplicitatis et innocentiae dotes exteriori specie pandebat. Anno millésimo octingentesimo quinquagesimo octavo, super specum Massabielle, puellula Beata Virgo Maria pluries se conspiciendam obtulit et nomen eius enixe percontanti respondit: Immaculata Conceptio ego sum. Cum autem sollèmnè illud effatum aliæque cœlestia nuntia sacerdotibus fideliter transmisset, et quo melius humanos declinaret conspectus, Maria Bernarda inter Sorores de Caritate et Instructione christiana Nivèrni admitti postulavit, ibique sanctimonialis exemplar fidelis præ se tulit. Omnes cruce et diuturnas infirmitates, patientissime sustinens, orationi et dominicæ Passiõnis meditationi frequenter incumbebat et Immaculatam. Virginem filiáli affectu prosequebatur. Tandem, anno millésimo octingentesimo septuagesimo nono, expleto trigésimo quinto ætatis suæ, die decima sexta aprilis, obdormivit in Dõmino. Quam Pius undécimus, Pontifex máximus, Sanctarum fastis adscripsit. Te Deum laudamus 643.

(15) **Die 3 Iunii S. Clotildis Reginae et Viduae**

tam fecisti in pópulis virtútem tuam. (T. p. Allelúia.)

Ad Bened. ant. Cum invocásset Clotíldis * ómnium rectórem et salvatórem Deum, convértit Deus spíritum Clodovæi regis. (T. p. Allelúia.)

Oratio

Réspice, quæsumus, Dómine, ad Francórum benígnus natióem: et quibus per devótam sanctæ Clotíldis instántiam donum fidei contulísti; per eius intercessiónem, tribue sincérum christiánæ pietátis af-

féctum. Per Dóminum nostrum Iesum Christum Fílium tuum, qui tecum vivit et regnat.

AD VESPERAS

V. Tu es Deus, qui facis mirabilia. (T. p. Allelúia.) **R.** Notam fecisti in pópulis virtútem tuam. (T. p. Allelúia.)

Ad Magnif. ant. Símile est regnum cælórum * hómīni negotiatóri quærēnti bonas margaritas: invēnta una pretiósā, dedit ómnia sua, et comparávit eam. (T. p. Allelúia.)

INDEX

		<small>pag.</small>
Genovefæ Virginis	3 ian.	(2)
Mariæ-Bernardæ Soubirous Virginis	18 febr.	(3)
Ioannæ de Arc Virg., Patronæ sec. Galliae	30 maii	(4)
Clotildis Reginae et Viduae	3 iunii	(14)



AD MANUSCRIPTUM

**APPENDIX FESTORUM
PLURIMIS GALLIÆ DIŌCESIBUS**

Bonn / Denkendorf, verlag nova & vetera 2008

ISBN: 978-3-936741-79-7

Tous droits réservés. – All rights reserved.

www.novaetvetera.de

APPENDIX FESTORUM

PLURIMIS GALLIÆ DIŌCESIBUS

FASC. II

Die 3 Iunii

S. CLOTILDIS
Reginæ et Viduæ

III classis [128]

AD MATUTINUM

Bened. Ad societâtem.

Lectio iii

Clotildis, Chilperici regis filia, post paréntum necem a pátruo Gundobáldo, rege Burgundiórum, educata, adhuc éthnico nupta est Clodovæo. Suscéptos ab eo liberos baptizári imperávit; sed Francórum idólis adhæsit Clodovæus, donec in ácie Tolbiáci, ab Alemánis fere iam profligátus, a Clotildis Deo victóriam supplex deprecátus et adéptus est. Cui occúrrens regina, per Remígium sanctum antístitem, Clodovæum fidem edocéri procurávit, Rhemisque gáudens baptizátum aspexit. Mórtuo rege, Turónes ad sancti Martíni túmulum secédens, summa pietáte vitæ reliquum exégit: ibique plena diérum migrávit ad Dóminum.

Te Deum laudámus 372.

AD LAUDES

V. Tu es Deus, qui facis mirabilia. **R.** Notam fecisti in pópulis virtútem tuam.

Ad Bened. ant. Cum invocásset Clotildis * ómnium rectórem et salvatórem Deum, convértit Deus spírítum Clodovæi regis.

Oratio

Réspice, quæsumus, Dómine, ad Francórum benígnus nationem; et quibus per devótam sanctæ Clotildis instántiam donum fidei contulisti; per eius intercessiónem, tríbe sincérum christiánæ pietátis aféctum. Per Dóminum nostrum Iesum Christum Fílium tuum, qui tecum vivit et regnat.

AD VESPERAS

V. Tu es Deus, qui facis mirabilia. **R.** Notam fecisti in pópulis virtútem tuam.

Ad Magnif. ant. Símile est regnum cælórum * hómini negotiátóri quærénti bonas margaritas: invénta una pretiósá, dedit ómnia sua, et comparávit eam.

Die 8 Aug. S. Ioannis Mariæ Vianney Conf. (2)

Die 8 Augusti

S. IOANNIS MARIÆ
VIANNEY

Confessoris

III classis [92]

AD MATUTINUM

Bened. Ad societâtem.

Lectio iii

Ioánnes Mariá Viánney, in pago Dardíly, diocésis Lugdunénsis, piis ruricolis ortus, plura dedit sanctitátis indícia. Cum octénis oves custodíret, puérulos ad imáginem Deiparæ genufléxos, Rosárium, verbo et exémplo edocére solébat, et agris coléndis addíctus, de cæléstibus meditabátur. Páuperum amantísimus, eos omnímmodo adiuváre in deliciis hábuit. Ut erat tardióris ingéni, divína ope imploráta, ac theologiæ cursu operóse confécito, dignus hábitus est qui sacris initiarétur. Párochus renuntiátus, omnino squaléntis ac desértæ parécie faciém florentíssime renovávit. In consciéntiis iudicándis ac moderándis cotídie assiduus, atrocíssimas Sátanæ vexatiónes patienter tolerávit. Pia Missiónum exercítia in ámplius centum parécii instituit. Cum autem humíllime de

se sentíret, sancto fidélium desidério, in suam paréciam illum viséndi grátia étiam ex díssitis provinciis accurréntium, se subducere conabátur. Labóribus pótius quam sénio confécitus prænuntiáto suæ mortis die, in Dómino quíevit, die quarta Augusti anno millésimo octingentésimo quinquagésimo nono, annos natus tres ac septuaginta. Quem tot clarum miraculis Pius décimus inter Beatos, Pius undécimus inter Sanctos cælites, anno sacro, adscrípsit, anno vero quinquagésimo sacerdotii sui ómnium parochórum cælestem Patrónum constituit.

Te Deum laudámus 372.

AD LAUDES

V. Iustum dedúxit Dóminus per vias rectas. **R.** Et osténdit illi regnum Dei.

Ad Bened. ant. Ipse est * diréctus in pœniténtiam gentis, et tulit abominatiónes impietátis, et in diébus peccatórum corroborávit pietátem.

Oratio

Omnípotens et miséricors Deus, qui sanctum Ioánnem Mariám pas-

(3) **Die 1 Oct. S. Remigii Ep. et Conf.**

toráli stúdio et iugi oratió-
nis ac pæniténtiæ ardóre
mirábilem effecísti: da,
quæsumus; ut, eius exem-
plo et intercessióne, áni-
mas fratrum lucrári Chris-
to, et cum eis ætérnam gló-
riam cónsequi valeámus.
Per eúndem Dóminum.

*Et fit commemoratio Ss. Cyriaci,
Largi et Smaragdii Martyrum:*

Ant. Vestri capilli cápitis
omnes numeráti sunt: nolíte
timére: multis passéri-
bus meliôres estis vos.

V. Exultábunt Sancti in gló-
ria. **R.** Lætabúntur in cubi-
libus suis.

Oratio

Deus, qui nos ánnua sanc-
tórum Mártyrum tuórum
Cyriaci, Largi et Smaragdii
sollemnitate lætificas: con-
cede propítius; ut, quorum
natalítia cólimus, virtútem
quoque passiónis imitémur.
Per Dóminum nostrum Ie-
sum Christum Filium tuum,
qui tecum vivit et regnat.

AD VESPERAS

Ad Magnif. ant. Multi cre-
déntium veniébant confi-
téntes et annuntiántes ac-
tus suos.

V. Iustum dedúxit Dómi-
nus per vias rectas. **R.** Et
osténdit illi regnum Dei.

Die 1 Octobris

S. REMIGI

Episcopi et Confessoris

III classis [67]

AD MATUTINUM

Bened. Ad societátem.

Lectio iii

Remígius, adhuc iúvenis,
ad Rheménsen cathédram
adéptus est. Francórum gen-
tem, quorum regem Clo-
dovaéum sibi conciliáverat,
ad Christi fidem perdúxit.
Cum enim Tolbiáci Alemán-
nis iam céderent Franci,
Clodovaéus, invocáto
nómine Dei Clotildis regí-
næ, quæ erat christiánæ,
statim hostes fugávit. Sua-
dénti episcopo ut baptiza-
rétur, respóndit rex se ver-
éri ne pateréntur commili-
tónes ut deos pátrios relín-
queret; sed exércitus eíus-
dem fidei amplectándæ
studiósum se significávit.
Ipsa ergo die Natáli Dómi-
ni, paucis annis ante sæculi
quinti finem, Clodovæus
Rhémis, ut vidétur, bap-
tizátus est simulque tria mil-
lia militum. Exímia fuit
Remígi episcopi erga páu-
peres liberálitas et clemén-
tia in pæniténtes singularis:
Neque enim, inquíebat, nos
pósuit Dóminus ad iracún-

Die 3 Oct S. Teresiæ a Iesu Infante Virg. (4)

diam sed ad hóminum
curam. Cum Ecclésiám su-
am septuagínta saltem an-
nos prudénter rexisset,
Rhémis obdormívit in Dó-
mino die décima tértia
ianuárii. Eius tamen me-
mória die prima octóbris
recólitur, quando sacrum
ipsius corpus fuir translá-
tum.

Te Deum laudámus 372.

AD LAUDES

V. Iustum dedúxit Dómi-
nus per vias rectas. **R.** Et
osténdit illi regnum Dei

Ad Bened. ant. Præsul Re-
mígius * baptisimi témpora
præparávit; et implétis mys-
ticis sacraméntis, regem
cum pópulo baptizávit.

Oratio

Deus, qui per beáti Pon-
tíficis Remígi docu-
ménta, gentem Francórum
ab idolórum vanitate ad
veritatém tui cultus venire
tribuísti: da, quæsumus; ut
qui christiáno nómine glo-
riámur, fidem nostram dig-
nis opéribus ostendámus.
Per Dóminum.

AD VESPERAS

V. Iustum dedúxit Dómi-
nus per vias rectas. **R.** Et
osténdit illi regnum Dei.

Ad Magnif. ant. Gentem *
Francórum ínclytam, simul
cum rege nóbili, beátus Re-
mígius sacro mundávit gúr-
gite, et Spíritus Sancti plene
ditávit múnere.

Die 3 Octobris

S. TERESIÆ
A IESU INFANTE

Virginis
Patronnæ secundariæ
Galliæ

II classis [109]

AD I VESPERAS

*Quando festum celebratur gradu I
classis, omnia ut in II Vesperis
præter sequentia:*

Hymnus Nomen decúsque
ut infra ad Matutinum.

V. Ego autem in Dómino
gaudébo. **R.** Et exultábo in
Deo Iesu meo.

Ad Magnif. ant. Ego Dómi-
nus * sponsábo te mihi in
sempitérnum: et sponsábo
te mihi in iustítia et iudicio
et in misericórdia et in mi-
seratióne: et sponsábo
te mihi in fide.

Oratio

Dómine, qui dixísti: Ni-
si efficiámmini sicut pár-
vuli, non intrábitis in reg-
num cælórum: da nobis,

(15) **Die 9 Oct. SS. Dionysii Ep. et Soc. Mm.**

sus fidem christiánam ampléxus, ab eódem Apóstolo Atheniénsium ecclésiæ præfécus est. Póstea, ut tráditur, Romam véniens, et a Cleménte Pontífice missus in Gálliam, Lutétiam usque Parisiórum, cum Rústico presbýtero et Eleuthério diacono, Evangelium prædicávit. Ibi a Fescénnio præfécus omnes, quod Christum prædicarent, apprehénsi, váriis tormentis cruciántur, et deum securi feriúntur séptimo Idus Octóbris.

Te Deum laudámus 372.

AD LAUDES

V. Exsultábunt Sancti in glória. **R.** Lætabúntur in cubilibus suis.

Ad Bened. ant. Vestri cápiti * omnes numeráti sunt: nolíte timére: multis passéribus meliôres estis vos.

Oratio

Deus, qui hodiérna die beátum Dionýsium, Mártyrem tuum atque Pontíficem, virtúte constántiæ in passióne roborásti, quique illi, ad prædicándum géntibus glóriam tuam, Rústicum et Eleuthérium sociáre dignátus es: tribue no-

bis, quæsumus; eórum imitatio, pro amóre tuo prospéra mundi despícere, et nulla eius advérsa formidáre. Per Dóminum.

Et fit commemoratio S. Ioannis Leonardi Confessoris:

Ant. Euge, serve bone * et fidélis, quia in pauca fuísti fidélis, supra multa te constituam, intra in gáudium Dómini tui.

V. Iustum dedúxit Dóminus per vias rectas. **R.** Et osténdit illi regnum Dei.

Oratio

Deus, qui beátum Ioánnem Confessórem tuum ad fidem in géntibus propagándam mirabíliter excitáre dignátus es, ac per eum in erudiéndis fidélibus novam in Ecclésia tua famíliam congregásti: da nobis fámulis tuis, ita eius institútis proficere; ut præmia consequámur æténa. Per Dóminum nostrum.

AD VESPERAS

V. Exsultábunt Sancti in glória. **R.** Lætabúntur in cubilibus suis.

Ad Magnif. ant. Gaudent in cælis * ánimæ Sanctórum, qui Christi vestigia sunt secúti: et quia pro eius amóre

Die 6 Nov. In Dedicatione Ecclesiarum (16)

sánguinem suum fuderunt, ideo cum Christo exsúltant sine fine.

Oratio

Deus, qui hodiérna die beátum Dionýsium, Mártyrem tuum atque Pontíficem, virtúte constántiæ in passióne roborásti, quique illi, ad prædicándum géntibus glóriam tuam, Rústicum et Eleuthérium sociáre dignátus es: tribue nobis, quæsumus; eórum imi-

tatióne, pro amóre tuo prospéra mundi despícere, et nulla eius advérsa formidáre. Per Dóminum.

Die 6 Novembris
**ANNIVERSARIUM
DEDICATIONIS
PROPRIÆ ECCLESIAE**

I classis [138]

Quarum dies anniversaria Dedicationis non innotescit.

Omnia ut in Communi Dedicationis ecclesiae.

AD MANUSCRIPTUM

INDEX

	pag.
Clotildis Reginae et Viduae	3 iunii (1)
Ioannis Mariae Vianney Confessoris	8 aug. (2)
Remigi Episcopi et Confessoris	1 oct. (3)
Teresiae a Iesu Infante Virg., Patronae sec. Galliae	3 oct. (4)
Dionysii Ep., Rustici et Eleutherii Martyrum	9 oct. (14)
Anniversarium Dedicationis Propriae Ecclesiae	6 nov. (16)

Tous droits réservés. – All rights reserved.

www.novaetvetera.de